



## **KOMUNIKADO PA PRENSA**

*Fecha*  
6 di mei 2016

*Kolaboradó di Maneho*  
Corinne Leysner

*Email*  
[corinne.leysner@gobiernu.cw](mailto:corinne.leysner@gobiernu.cw)

### **HANCHI SNOA TA SERA TEMPORALMENTE PA KAMBIA BIRA “SHARED STREET”**

Willemstad – Hanchi Snoa den Punda ta drenta un fase di renobashon pa bira “Shared Street”, un kaya kaminda asera i kaminda ta bira di mes un nivel pa tur trafikante por hasi uso mas kómodo di dje. E trabounan di renobashon ta kuminsá riba djaluna dia 9 di mei próksimo. Esaki ta nifiká ku Hanchi Snoa ta será durante mas òf ménos 8 siman, den dos fase, pa tráfiko motorisá.

Den e prome fase Hanchi Snoa ta será for di Keukenstraat te Middenstraat. Tráfiko por pasa liberamente den e otro parti di Hanchi Snoa i por drenta i sali Punda dilanti Plasa Jojo Correa. Den e di dos fase e trabounan ta tuma lugá den e parti for di Middenstraat te na e krusada di Columbusstraat i asta un pida di Wolkstraat. Ta desvia tráfiko motorisá pa por yega na destinashonnan deseá.

Obra Públiko ta usa e prinsipio di Shared Street na mas kaya, kaminda ta importante pa peatonnan por kana mas fásil, sin tin opstrukshon di, por ehémpel, bant di asera. Un Shared Street tambe ta duna un bista mas bunita di e kaya i su besindario, pa asina nos sentro di siudat bira aun mas atraktivo pa turista i nos mes hendenan ku ta bishitá Punda.

Obra Públiko i e kontratista Curacaose Wegenbouw Maatschappij ta pidi kompreshon pa e trabounan ku lamentablemente ta sòru pa algun molèster. Na mes un momento ta pidi tur hende pa tene kuenta ku e desviashon di tráfiko temporal pa asina e trabounan por sosodé mas lihé, mas fásil i mas seif posibel.